

神仙傳宋桓闔字清遠事陶隱居於茅山華陽館十餘年立性端謹寂默若無所爲一日有二青童一白鶴自空而下集於庭隱居忻然而接爲已當之青童曰太上所命者桓先生也隱居默計門人皆無姓桓者索之唯得執爨闔焉詰其所致則曰常修默朝之道已九年矣故有今日之召闔服天衣駕白鶴昇天

仙傳拾遺柳浩者家世奉道焚修精恪年八十餘身嘗無疾鄉里疑道力之所及也忽一日謂其家曰吾昨奉天符太上有勅使我於九仙寶室洞掌仙官廚饌百年來日當行至期無疾而終異香盈庭數日始絕

道藏輯要

三洞群仙錄

卷

彙集五
XOL

柳融粉龜張果紙驢

神仙傳南極子柳融取粉塗盃呪之成龜煮取其肉食之呪其殼復爲酒盃又能含粉成雞子吐之數十枚煮而啖之雞子中黃皆有少許粉又取水呪之卽成美酒飲之皆醉

高道傳張果常乘一白驢日行數百里休則疊之其厚如紙置於巾箱中乘則以水噴之後成驢矣

魯逢修舍奚山造車

仙傳拾遺魯逢者善於木工往來齊岱之間壽張令別業舍壞二十餘間使吏召匠以修之吏執逢驅行逢邀吏就肆飲酒去莊三十餘里日暮而逢已醉卧令頗剛躁吏甚爲憂洎